



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma Bvllarii Earvmve Svmmorvm Pontificvm
Constitvtionvm Qvae Ad Commvnem Ecclesiae Vsvm post
volumina Iuris Canoncis, vsq[ue] ad Sanctissimum D. N.
D. Pavlvn Papam V. emanarunt**

Quaranta, Stefano

Venetiis, 1619

Abbas.

urn:nbn:de:hbz:466:1-10793

& successoribus tuis in perpetuum, de modo tibi & eisdem successoribus sit more ac modo debito munus benedictionis impensum & te ac eos constet existere sacerdotes, auctoritate presentium concedimus ex gratia speciali.

Verpatet ex libro privilegiorum dicti ordinis Neap. impresso.

ABBATISSA.

PRÆTER Summissis in hoc verbo, ferendum est quod Abbatissæ, & alia monasteriorum monialium ad vitam præfectæ, cum vacauerint, seu cesserint non ultra triennium per universam Italiam in futurum eligantur iuxta Decreta Sac. Conc. Trid. & regularia suorum ordinum instituta; quo tempore finito præesse desinant, & abstineant per triennium a die finitæ administrationis, quo elapso servato forma eiusdem Concilij iterum & pluries eligi possint ex constitutione Greg. xij. Romæ publicata die 4. Ianuarij 1583. incip. exposcit debitum, & in fra hac nostra perpetuo valentia constitutione statuimus & ordinamus, quod de cetero perpetuis futuris temporibus in omnibus & singulis monasterijs monialium Sancti Benedicti Cisterciens. Cartusien. & aliorum quorumcumque ordinum in universa Italia & præsertim in vtriusque Sicilia Regnis Consistentibus, quæ nunc per Abbatissas, vel alias præfectas perpetuas reguntur & gubernantur, cum primum Abbatissæ aut alia præfectæ huiusmodi regimini & administrationi ipsorum monasteriorum cesserint, etiam apud Sedem Apostolicam, vel cesserint, earum Abbatissatus, seu præfecturas vacare cõigerit, Abbatissæ, aut alia præfectæ non amplius perpetuæ seu ad vitam (quarum nomen ac titulum ex nunc prout ex tunc Apostolica auctoritate ex certa nostra scientia, deque Apostolica potestatis plenitudine tenore presentium perpetuo extinguimus, & abolemus) sed triennalis tantum a conventu vniuscuiusque monasterij, & alias iuxta decreta Sancti Concilij Tridentini, & regularia suorum ordinum instituta eligantur, & præficiantur, quæ postmodum elapso triennio suis officijs per se hæc præesse desinant omnique prorsus careant auctoritate, ac a regimine, & administratione monasterij per triennium a die finitæ administrationis inchoandum abstineant, quo elapso servata eadem forma concilij Tridentini, iterum & pluries eligi possint. Distinctius inhibentes omnibus & singulis dictorum monasteriorum conventibus, superioribus, & personis aliquam Abbatissam aut aliam præfectam perpetuam, seu ad vitam, sed triennem tantum eligere & præficere villo modo audeant, vel præsumant; quod si secus a quoquam quavis auctoritate fuerit attentatum, electionem & præfectionem huiusmodi, ac omnia, & singula, quæ inde sequenter irritat, nulla & inania, nulliusque roboris & momenti fore: sicq; per quoscunq; iudices & c. in Bullario, fol. 1321. Electio autem quomodo factenda sit, habetur in c. indemnitatibus. de elect. in 6. & in d. Conc. Trid. sess. 25. de regul. c. 6. & 7. Hac autem Constitutio declaratur per Navar. conf. 82. de regula. lib. 3. in antiquis & conf. 7. de statu mona. in novis, non includere eas, quæ vere non sunt professæ regularia Sancta Sede Apostolica approbatam.

Abbatissa tenetur ante mensem certiore facere episcopum de tempore professionis monialium, alioquin quâdiu episcopo videbitur, ab officio sit suspensa ex Decreto dicti Conc. Trid. sess. 25. ca. 17. de potestate præfectæ monialium. Sot. in 4. sent. dist. 20. q. 1. ar. 4.

Abbatissa temporalis non est iure benedicenda, nisi sacrosancta Sedes Apostolica aliud statuat expresse vel servet contrarium. Navar. conf. 4. de regul. lib. 3. fol. 57. in antiquis, & conf. 2. de statu mona. in novis.